



方輿考證卷三 總部三

歷代分合形勢

唐○書分命義仲宅嶠夷曰暘谷蔡傳嶠夷即禹貢嶠夷暘谷者取日出之義○通典東夷有九

種曰吠夷方夷千夷黃夷白夷赤夷元夷風夷陽夷率皆土著昔堯命義仲宅嶠夷日暘谷蓋日之所出也申命義

叔宅南交蔡傳南方交趾之地史記索隱亦以為交趾○按史記顧頊本紀北至於幽陵南至於交趾西至於流沙

東至於蟠木則交趾之屬於中國前此矣分命和仲宅西曰味谷蔡傳西謂西極之地味谷者以日所

入而申命和叔宅朔方曰幽都蔡傳朔方北荒之地也○晉書幽都之山按即幽陵

也東漸於海西被於流沙流沙在今安西州敦煌縣西邊之外朔南暨聲教訖於

四海朔南蓋即朔方南交也○新書堯教化及難題蜀越撫交趾身涉流沙地訓及大夏渠搜北中幽都亦足見當日形勢

虞○書肇十有二州封十有二山濬川晉書地理志禹平水土為九州虞舜登庸表提類而

分區宇判山河而考疆域莫北創并部之名燕齊起幽營之號

○劉氏曰舜分幽并內固王畿外維疆索包天下後世之慮也

益稷謨州十有二師外薄四海大戴禮少間篇虞舜以天德嗣堯布功散德制禮朔方幽都來

服南撫交趾出入日月莫不率俾西王母來獻其白瑄海外肅慎北發渠搜氏羌來服○史記帝舜本紀南服交趾北發西戎

析枝渠搜氏羌北山戎發息慎東長鳥夷索隱云北發當云北

戶南方有地名北戶山戎下少一北字○尙書大傳惟元祀巡

狩四岳八伯壇四與沈四海封十有二山兆十有二州

夏○左傳韓絳曰虞人之箴曰芒芒禹跡畫為九州經啓九道襄

年四又子服景伯曰禹會諸侯於塗山執玉帛者萬國哀公七年

秋三年考績五年政定周行天下還歸大越登茅山以朝四方○吳越春

羣臣一示中國諸侯防風氏後至斬以示眾示天下悉屬禹也○藝文類聚太康地記交州本屬揚州取交趾以為名禹之南

極也○閩若璩曰通典以歷代郡縣析於禹九州之中甚善獨謂自嶺而南當唐虞三代為蠻夷之國謂之南越於是特立南

越一目以與上九州別並識晉書隋書謂交廣二州之地為禹貢揚州之域非是余請得而折之南越尉陀傳秦已并天下畧

定揚越張晏曰揚州之南越也顏師古注漢書本揚州之分故

日揚專置桂林南海象郡此三郡盡有今廣東西交趾之境漢武帝平為七郡名交州三國吳分交州置廣州晉滅吳因之下

遠隋二史並以交廣為禹揚州新唐書亦然豈無所根據者哉又云通典以禹貢物產貢賦皆不及五嶺之外說尤不然今嶺

南多金銀非揚所貢之金乎多孔翠犀象非揚所貢之齒革及羽乎多蕉多木棉非揚所貢之卉服織貝乎君卿曾官節度於嶺南寧不見之耶

商○商書以有九有之師○詩商頌九有有截帝命式於九圍傳

九有九州也釋詁謂九州為九圍者蓋以九分天下各為九處規為圍然故謂之九圍按亦謂之九圍禮王制凡

四海之內九州州方千里州建百里之國三十七里之國六

十五十里之國百有二十凡二百一十國名山大澤不以封其

餘以為附庸閑田八州州二百一十國天子之縣內方百里之

國九七十里之國二十有一五十里之國六十有三凡九十三

國名山大澤不以盼其餘以祿士以為閑田凡九州千七百七

十三國天子之元士諸侯之附庸不與鄭云此殷制也○周書

或無牛馬之所生而獻遠方之物事是相反不利今吾欲因其地勢所有獻之必易得而不貴其為四方獻令伊尹受命於是

為四方令曰臣請正東苻婁仇州伊慮漚深九夷十蠻越漚翦髮文身請令以魚支之鞞關劍之醬蛟厥利劍為獻正南馭鄩

桂園攢子產里白濮九菑請令以珠璣瑋瑁象齒文犀翠羽齒
鶴短狗為獻正西崑崙狗國鬼親積已關耳貫胸離題離邱漆
齒請以丹青白旄紕紉江雁龍角神龜為獻正北空同大夏莎
車姑他旦畧貌胡戎翟句奴樓煩月氏越犂其龍東胡請令以
囊馳白玉野馬駒駼駃騠良弓為獻湯曰善按此雖不足深據
亦足徵其臣服之遠詩曰莫敢不來享莫敢不來王則商家形
勢亦廓矣○淮南子紂之國左
東海右流沙前交趾後幽都

周○周官職方氏掌天下之圖辨其邦國都鄙四夷八蠻七閩九

貉五戎六狄之人民與其財用九穀六畜之數周知其利害乃

辨九州之國使同貫利九州見前左傳昭公九年王使詹桓伯辭於晉曰

我自夏以后稷魏駘芮岐畢杜注在夏世以後稷功受此五國○駘同部吾西土也

及武王克商蒲姑商奄蒲姑史記作蒲姑括地志薄姑故城在博興縣東北六十里博興今屬山東青州府○宸宇記奄中續漢書郡國志云古奄國又名勝志奄里在魯城東二里許卽曲阜縣之故城址志謂之商奄里是也

吾東土也巴濮楚鄧元和志渝州今四川重慶府○通典黑焚濮在永渝州今四川重慶府○通典黑焚濮在永

昌西南山居又諸濮之域皆出楛矢爾雅南至於濮鉛周書王會卜人丹抄注云卜人西南之蠻丹抄所出按卜人蓋濮人也

永昌今雲南永昌府肅慎今寧古塔吉林皆其境吾南土也肅慎燕亳方輿紀要亳夷在陝西北境

家紀寧公與亳戰吾北土也吾何邇封之有杜注周封疆外薄四海何

全勢也觀九州山川險要之處與其建極規模而經畧大體可見矣○按王會圖雖繁侈不足深考然西旅貢契越裳獻雉肅慎貢矢固昭然不可誣也然則三代之形勢大畧相同耳

魏書地形志夏書禹貢周禮職方中畫九州外薄四海折其土

物制其疆域此蓋王者之規摹也○元和志序自黃帝之方制

萬國夏禹之分別九州辨方經野因人緯俗其揆一矣秦皇并

六國則罷侯而置守漢武討百蠻則窮兵而曠武雖則為郡縣

者遠過於殷周而教令之所行威懷之所服亦不越於三代○

圖書編記牒稱神農地過日月之表禹使章亥步四極即謝言

未可盡詰然自日南徼外堯時羲叔所宅也滇垂黑水神禹所

導也庸髡百濮武王歌舞之師也滅貊朝鮮箕子田蠶之國也

方輿考卷之三

謂古之地陔至秦漢乃大非通論也

蔡方炳曰黃帝方制天下立為萬國史記亦稱黃帝

東至於海西至空同南至熊湘北至獯鬻是東西北之所至為

已極而南有餘地也乃帝營之世北至幽陵南至交趾西至流

沙東至蟠木則方域所屆幾於日月所照莫不祇屬嗣以洪水

橫流天下決絕堯命禹平水土分天下為九州舜分為十二州

夏商周仍復為九州三代之域大約不甚相遠而說者謂先王

土地西不盡流沙南不盡衡山東不盡東海北不盡恆山至秦

而始廣不知禹貢有九州之裔地而周之職方如吳越閩蜀皆

在荒服之表故不入於職方安得謂疆域至秦始廣乎應鑄言

秦以上西北衰而東南盛秦以下東南展而西北縮特以秦三

十六郡之外復置四郡耳置郡雖自秦始非至秦而始通聲教

也第王者不勞中國以事外故常有不盡之地耳

秦○史記始皇本紀十七年內史騰攻韓得韓王安盡納其地以

為郡命曰潁川十九年王翦羌廛盡定取趙地東陽得趙王陰

曰趙王遷也二十二年王賁攻魏引河溝灌大梁城壞其王請降盡

取其地秦隱曰魏王假也二十三年秦王復召王翦使將擊荆取陳以

南至平輿虜荆王秦隱曰楚王負芻也二十五年王翦遂定荆南地降趙

君二十五年大興兵使王賁將攻燕遼東得燕王喜二十六年

使將軍從燕南攻齊

使王賁將平燕之軍南攻齊也

得齊王建丞相綰等言諸

侯初破燕齊荆地遠不爲置王毋以鎮之請立諸子惟上幸許

始皇下其議於羣臣羣臣皆以爲便廷尉李斯議曰周文武所

封子弟同姓甚眾然後屬疏遠相攻擊如仇讐諸侯更相侵伐

周天子弗能禁止今海內賴陛下神靈一統皆爲郡縣諸子功

臣以公賦稅重賞賜之甚足易制天下無異意則安寧之術也

置諸侯不便始皇曰天下共苦戰鬪不休以有侯王賴宗廟天

下初定又復立國是樹兵也而求其寧息豈不難哉廷尉議是

分天下爲三十六郡郡置守尉監三十二年使將軍蒙恬發兵

三十萬北擊胡畧取河南地

正義今靈夏勝等州○按卽河套之地漢爲朔方郡今俄爾多斯七

旗駐牧之處也

三十三年取陸梁地

正義曰嶺南之人多處山

爲桂林

象郡南海以適遣戍西北斥逐匈奴自榆中徐廣曰在金城按金城今蘭州府

並河以東屬之陰山徐廣曰在五原北○按在今河套北吳刺武部內以為三十四縣

城河上為塞又使蒙恬渡河取高闕正義山名在五原北兩山相對甚高故言高闕○一

統志在陰山西榆林志曰北去大磧三百里陶山北假中陶山即陽山○一統志北假在吳刺武旗西北自高

關以東夾山帶河至陽山以西皆北假也築亭障以逐戎人地東至海暨朝鮮西至

臨洮羌中南至北櫛戶吳都賦曰開北戶以向日劉遠曰北櫛戶南之北戶猶曰北之南戶也北據

河為塞並陰山至遼東○通典秦制天下為四十郡其地則西

臨洮而北沙漠東滎南帶皆至於海

賈誼曰秦孝公據殽函之固擁雍州之地君臣固守而窺周室

有席卷天下包舉宇內囊括四海之意并吞八荒之心當是時

也商君佐之內立法度務耕織修守戰之備外連衡而闕諸侯

於是秦人拱手而取西河之外孝公既沒惠文武昭襄蒙故業

因遺策南取漢中西舉巴蜀東割膏腴之地收要害之郡諸侯
恐懼會盟而謀弱秦不愛珍噐重寶肥饒之地以致天下之士
合從締交相與爲一當此之時齊有孟嘗趙有平原楚有春申
魏有信陵此四賢者皆明知而忠信寬厚而愛人尊賢重士約
從離橫兼韓魏燕趙宋衛中山之眾於是六國之士有寧越徐
尚蘇秦杜赫之屬爲之謀齊明周最陳軫召滑樓緩翟景蘇厲
樂毅之徒通其意吳起孫臏帶佗兒良王廖田忌廉頗趙奢之
朋制其兵常以十倍之地百萬之軍仰關而攻秦秦人開關延
敵九國之師遁巡而不敢進秦無亡矢遺鏃之費而天下已困
矣於是從散約敗爭割地而賂秦秦有餘力而制其弊追亡逐
北伏尸百萬流血漂鹵因地乘便宰割天下分裂山河強國請
服弱國入朝施及孝文莊襄王享國之日淺國家無事及至始

皇奮六世之餘烈振長策而馭宇內吞二周而亡諸侯履至尊而制六合執敲朴以鞭笞天下威震四海南取百越之地以爲桂林象郡百粵之君頰首係頭委命下吏廼使蒙恬北築長城而守藩籬卻匈奴七百餘里胡人不敢南下而牧馬士不敢彎弓而報怨於是廢先王之道焚百家之言以愚黔首墮名城殺豪俊收天下之兵聚之咸陽銷鋒鏑鑄以爲金人十二以弱天下之民然後踐華爲城因河爲池據億丈之城臨不測之川以爲固良將勁弩守要害之處信陳精卒陳利兵而誰何天下已定始皇之心以爲關中之固金城千里子孫帝王萬世之業也始皇旣沒餘威震於殊俗然而陳涉甕牖繩樞之子疇隸之人遷徙之徒也材能不及中庸非有仲尼墨翟之知陶朱猗頓之富躡足行伍之間而俛起阡陌之中帥罷散之卒將數百之眾

轉而攻秦斬木爲兵揭竿爲旗天下雲合響應羸糧而景從山東豪俊遂並起而亡秦族矣且夫天下非小弱也雍州之地殺函之固自若也陳涉之位不齒於齊楚燕趙韓魏宋衛中山之君鉏耰棘矜不敵於鉤戟長鎗適戍之眾不抗於九國之師深謀遠慮行軍用兵之道非及曩時之士也然而成敗異變功業相反何也試使山東之國與陳涉度長絜大比權量力不可同年而語矣然秦以區區之地致萬乘之權招八州而朝同列百有餘年然後以六合爲家殺而爲官一夫作難而七廟墮身死人手爲天下笑者何也仁義不施而攻守之勢異也

從漢書本

附六國

魏戰國策蘇秦說魏曰南有鴻溝東有淮潁西有長城北有河外地方千里鴻溝卽汴水也○漢書地理志魏地精薄參之分野也其畧自高陵以東盡河東河內南有陳留及汝南之召陵隱邕新汲西華長平潁川之舞陽鄆許僑陵河南之開封中

牟陽武毅棗

卷皆魏分也
韓蘇秦曰韓北有鞏洛成皋之固西有宜陽商坂之塞東有宛

分野也韓分晉得南陽郡及潁川之父城定陵襄城潁陽頰

陰長社陽翟郟東接汝南西接宏農得新安宜陽皆韓分也

趙蘇秦曰趙地方二千里西有常山南有河漳東有清河北有

常山中山又得涿郡之高陽鄆州鄉東有廣平鉅鹿清河河間

又得勃海郡之東平舒中邑文安東州成平章武河以北也南

至浮水繁陽內黃斥邱西有太原定襄雲中五原上黨

上黨本韓之別都也遠韓近趙後卒降趙皆趙分也

燕蘇秦曰燕東有朝鮮遼東北有林胡樓煩西有雲中九原南

有漁陽右北平遼西遼東西有上谷代郡雁門南得涿郡之易

容城范陽北新城故安涿縣良鄉新昌及勃海郡之安次皆燕

分也樂浪元
菟亦宜屬焉
齊蘇秦曰齊南有泰山東有琅郡西有清河河北有勃海此四塞

之國也地方二千餘里○地理志齊地危虛之分野也東有

淄川東萊琅邪高密膠東南有泰山城陽北有千乘清河以

南勃海之高樂高城重合陽信西有濟南平原皆齊分也
楚蘇秦曰楚西有黔中巫郡東有夏州海陽南有洞庭蒼梧北

州○地理志楚翼軫之分野也今之南郡江夏零陵桂陽武陵長沙及漢中汝南郡盡楚分也○按六國之地五倍於秦而卒并於秦者林氏以爲齊楚自恃其強有包并燕趙韓魏之志而緩秦之禍燕趙韓魏自懲其弱有疑惡齊楚之心而脅秦之威是以蘇秦之說阻而張儀之志申矣秦知天下之勢取韓魏以執天下之樞故能并天下云云可謂洞中當日情勢矣始皇既沒天下叛之不旋踵而亡論者多歸咎於郡縣之制而不知非也賈生不云乎仁義不施而攻守之勢異椰子厚日失在於政不在於制斯篤論矣

漢○史記漢興以來諸侯年表太史公曰殷以前尙矣周封五等公侯伯子男然封伯禽康叔於魯衛地各四百里親親之義褒有德也太公於齊兼五侯地尊勤勞也武王成康所封數百而同姓五十五地不過百里下三十里以輔衛王室管蔡康叔曹鄭或過或損幽厲之後王室缺侯伯疆國興焉天子微弗能正非德不純形勢弱也漢興序二等大者王高祖末年非劉氏而小者侯王者若無功上所不置而侯者天下共誅之高祖子弟同姓爲

王者九國惟獨長沙異姓而功臣侯者百餘人自雁門太原以東至遼陽爲燕代國常山以南太行左轉度河濟阿鄆以東薄

海爲齊趙國自陳以西南至九疑東帶江淮穀泗穀水卽淮水薄會

稽爲梁楚吳淮南長沙國漢書尊王子弟大啓九國自雁門以東盡遼陽爲燕代常山以南太行左

轉度河濟漸於海爲齊趙穀泗以往奄有龜蒙爲梁楚東帶江湖薄會稽爲荆吳北畧淮潁畧盧衡爲淮南波漢之陽亘九疑

爲長沙諸侯比境周市三垂外接胡越按此指盡形勢較史記爲詳皆外接於胡越而內地北距

山以東盡諸侯地大者或五六郡連城數十置百官官觀僭於

天子漢獨有三河東郡潁川南陽自江陵以西至巴蜀北自雲

中至隴西與內史凡十五郡而公主列侯頗食邑其中何者天

下初定骨肉同姓少故廣疆庶孽以鎮撫四海用承衛天子也

漢定百年之間親屬日疎諸侯或驕奢怵邪臣計謀爲淫亂大

者叛逆小者不軌於法以危其命隕身亡國天子觀於上古然

後加惠使諸侯得推恩分子弟國邑故齊分爲七

城陽濟北濟南菑川膠東

膠趙分爲六

河間廣川中山常山清河

梁分爲五

濟陰濟川濟東山陽

淮南分三

廬江衡山

及天子支庶子爲王王子支庶爲侯百有餘焉吳楚時前後諸

侯或以適削地是以燕代無北邊郡吳淮南長沙無南邊郡齊

趙梁楚支郡名山陂海咸納於漢諸侯稍微大國不過十餘城

小侯不過數十里上足以奉貢職下足以供養祭祀以蕃輔京

師而漢郡八九十形錯諸侯間犬牙相臨秉其阨塞地利強本

幹弱枝葉之勢也尊卑明而萬事各得其所矣形勢雖疆要之

以仁義爲本○漢書武帝紀元朔二年遣將軍衛青李息出雲

中至高闕遂西至符離

師古曰漢北塞名也

收河南地置朔方五原郡

蓋

河南地置朔方郡又收復秦元狩二年秋匈奴昆邪王殺休屠

河北之九原而改置五原也王并將其眾合四萬餘人來降置五屬國以居之以其地爲武

威酒泉郡元鼎五年遣伏波將軍路博德出桂陽下湟水樓船將軍楊僕出豫章下滇水歸義越侯嚴爲戈船將軍出零陵下離水甲爲下瀨將軍下蒼梧皆將罪人江淮以南樓船十萬人越馳義侯遣別將巴蜀罪人發夜郎兵下牂柯江咸會番禺六年聞南越破馳義侯遺兵未及下上便令征西南夷平之遂定越地以爲南海蒼梧鬱林合浦交趾九真日南珠崖儋耳郡定西南夷以爲武都牂柯越巂沉黎汶山郡遣浮沮將軍公孫賀出九原匈奴將軍趙破奴出令居皆二千餘里不見虜而還乃分武威酒泉地置張掖敦煌郡元封二年遣將軍郭昌中郎將衛廣發巴蜀兵平西南夷未服者以爲益州郡三年夏朝鮮斬其王右渠降以其地爲樂浪臨屯元菟真番郡五年置刺史部十三州

劉歆廣漢孝武南滅百粵起七郡北據匈奴降昆邪十萬之眾置五屬國起朔方東伐朝鮮起樂浪元菟以斷